



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

5 Junu 2013

Parlamentu Nasionál Aprova Rezolusaun Kondena Atuasaun ho Uzu Forsa la Apropiadu husi Elementu PNTL

Parlamentu Nasionál iha loron 5 Fevereru 2013 aprova Rezolusaun Nú.10/III (1^a) hodi kondena atuasaun uzu forsa la apropriadu husi elementu PNTL. Rezolusaun ne'ebé propoin husi Xefi bankada Parlamentár haat ne'ebé pasa ho votu afavór 45 no absteinsaun 1.

Parlamentu Nasionál decide hasai urjente rezolusaun ne'e relasiona ho atuasaun elementu PNTL nian ne'ebe akontese iha 31 Maiu 2013 iha bairro Audian- Dili, bainhira Task Force baku membru Parlamentu Nasionál husi bankada Fretilin Manuel Castro. Kazu ne'e akontese bainhira deputadu refere tenta hapara atuasaun elementu polisia ne'ebé baku joven ida iha Audian.

“Rezolusaun ne'e importante no nesesariu duni atu bele hadia no salvaguarda kredibilidade instituisaun PNTL nu'udar instituisaun ne'ebé iha responsabilidade masimu hodi tau matan ba lei no fó siguransa ba povu,” dehan Diretór JSMP Luis de Oliveira Sampaio.

Parlamentu Nasionál konsidera elementus PNTL sira ne'e viola ona enkuadramentu legál sira ne'ebé prevee ona iha konstituisaun no lei sira liliu prinsipiu subsidiaridade, proposionalidade no adekuasaun tuir rejime juridiku uzus forsa nian.

JSMP observa katak PNTL durante ne'e ladu'un hala'ó sira nia kna'ar ho profesional tanbá mosu violasaun direitus umanus barak iha sira nia atuasaun hasoru ema sivil sira. Faktus hirak ne'e hatudu liu husi keisa ka lamentasaun ne'ebé dala barak ona Parlamentu Nasionál foti, nune'e mós mai husi relatóriu instituisaun Direitu Umanu sira hanesan Provedoria Direitu Umanu no Justisa (PDHJ), Amnestia Internasional no ONG lokal sira.

JSMP espera katak ho rezolusaun ne'e bele hapara no prevene repetisaun atuasaun hanesan husi membru PNTL iha futuru hodi bele respeita liu tan valor direitu umanu ema sivil sira nian.

Diretór Ezekutivu JSMP

Diresaun e-mail: luis@jsmp.minihub.org

Landline: 3323883 / 77810637

www.jsmp.tl